

間以至邊方之事有致災之由耶致災之由必有能陳之者伏
願另加求言 上曰災變比甚豈無所召既已致災須講求弭
災之道也○憲府啓曰冬至使許磁進慰使李霖同失使事而
李霖則推考許磁則不推至為未便請以禮曹議啓之辭奉傳
旨推考依允○夜民方有氣如火光照于地○乙卯憲府啓曰
表贊性本貪黷前為蔚山郡守時多出官庫之物京商人重貨
公然買得且曲事疎族無後寡婦橫得家舍一道之人至今唾
鄙今不可為金海府使請罷其職以懲後人答曰如啓○以尚
震為漢城府判尹洪春卿為承政院左承旨洪暹為右承旨○
丙辰諫院啓曰金海府使尹溪本以無行之人前為延安府使
時不謹治事貽弊於民已有物論金海物衆地大機務浩繁今
又救荒事急不可以如此之人差遣請逆從之史臣曰溪以文墨
戮身之人遭父喪不居廬墓長在京家接對賓客言笑自若甚
奕娛戲設酒宣酣略無悲哀之色敗倫毀常莫此為甚○憲府
啓曰近來士習偷靡師表之人不可不擇司藝趙珣所行卑陋